

施南府志卷之十一

知施南府事王協夢監修

食貨

戶口

施在前代土流間治戶口之豐耗不能悉登於
版圖又為明季流寇所虔劉生齒凋敝極矣我
朝平定海宇施衛尚仍勝國舊制迨諸土司革心
向化始改土歸流重以

聖聖相繼休養生息涵煦百有餘年遂使學校農桑同
施南府志 卷之十一 食貨 一

乎內地戶口之滋生物產之蕃殖近古以來所
未聞也志戶口而物產附焉

漢以前戶口無考

晉書地理志建平郡統縣八戶一萬三千二百

按晉書所載八縣惟建始沙渠信陵屬施

宋書地理志建平太守吳永安二年分宜都立晉又有
建平都尉永初郡國志有南陵建始信陵興山永新
永寧平樂七縣今並無所領縣七巫秭歸歸鄉北井
泰昌沙渠新鄉戶一千三百二十九口二萬八百二

十四按所紀七縣惟沙渠是施地新鄉不詳所在餘俱不屬施

隋書地理志清江郡統縣五戶二千六百五十八五縣

鹽水 巴山 開夷 清江 建始

俱屬郡地

唐書地理志施州清化郡戶三千七百二口一萬六千

四百四十四縣二清江 建始

宋史施州清江郡元豐戶一萬九千八百四十領縣二

清江 建始

施南府志 卷之十一 食貨

元史地理志夔州路領七州施其一本路戶二萬二十

四口九萬九千五百九十八

明史地理志統紀湖廣戶口之數不詳各郡不備錄

國朝

施南府屬六縣原數戶口共二萬七千七百一十八戶

原額隨糧及改土案內勘出人丁並歷屆編審滋生

人丁土著不成丁男女大小共十一萬七千四百三

十丁口道光十二年奉文編查保甲清理戶口共十

一萬八千七百九十五戶九十萬二千一百二十二

丁口其細數開載各縣

恩施縣

闔縣舊管新收民數四萬零九百七十三戶編審隨糧人丁暨滋生人丁土著不成丁男女大小共二十五萬四千四百五十九丁口

宣恩縣

闔縣舊管新收土著流寓總共三萬四千一百零八戶長成歸增總共計男婦大小丁口共一十六萬七千一百八十四丁口

施南府志

卷之十一

食貨

來鳳縣

闔縣舊管新收民數八千八百四十七戶改土案內勘出人丁暨滋生人丁土著不成丁男女大小共九萬三千零四十五丁口

咸豐縣

闔縣舊管新收民數一萬八千零七十四戶編審隨糧原額改土案內勘出人丁暨滋生人丁土著不成丁男女大小共九萬一千三百四十五丁口

利川縣

闔縣舊管新收民數三萬一千二百二十六戶編審
隨糧原額改土案內勘出人丁暨滋生人丁土著不
成丁男女大小共十二萬七千六百二十八丁口
建始縣

闔縣舊管新收民數三萬七千五百四十戶編審隨
糧原額暨滋生人丁土著不成丁男女大小共十六
萬八千四百六十二丁口

物產

施州清化郡土貢麩金犀角黃連蠟藥實

唐書地理志

施南府志

卷之十一

食貨

四

施州貢黃連木藥子

宋史地理志

宋初頗興權酤言事者多陳其非便太平興國七年罷
之自是惟夔建開施瀘黔涪黎威州梁山雲安軍及河
東之麟州荆湖之辰州福建之福泉漳汀州興化軍廣
南東西路不禁自春至秋醞成卽鬻謂之小酒自五錢
至三十錢有二十六等臘釀蒸鬻候夏而出謂之大酒
自八錢至四十八錢凡釀用秬糯粟麥等及麴法酒式
皆從水土所宜

宋史食貨志

施州一種崖椒葉大如蜀椒彼土人四季采皮入藥

圖

經本草

白藥 瓜藤 金稜藤 崖樓 小赤藥 露筋草

野蘭草 小兒羣 紅茂草 大木皮 都管草

獨葛藤 野猪草 以上十三種載明一統志

石合草其苗繞樹作藤能治瘡腫

金稜草有葉無花可療筋骨疼

龍牙草株高二尺春夏採之治赤白痢

金星草治發背 以上四種載輿地記

露金草生施州株高三尺以來春生苗隨開花子碧

施南府志  卷之十一 食貨 五

綠色四時不凋

小兒羣生施州叢高一尺以來春夏生苗葉無花冬枯

獨用藤生施州四時有葉無花葉有倒刺采無時

野猪草生施州藤纏大木四時有葉無花

崖樓生施州石崖上苗高一尺以來其狀如樓四時有

葉無花土人采根去粗皮入藥

雞公藤生施州蔓延大木上有葉無花采無時

半天回生施州春生苗高二尺以來赤斑色至冬苗枯

土人夏采根

野蘭根生施州叢高二尺以來四時有葉無花采無時
紫背金盤生施州苗高一尺以來葉背紫無花土人采
根以上九種載湖北通志

茶 椒俱衛境出 漆 桐油 柏油 蜜 黃蠟

白蠟 紙 硝 磺 炭

穀品六穀俱有 包穀 本草名玉蜀黍施人呼包穀山居以為正糧

香稻 出利川 旱稻 按六書故稻性宜水亦有陸種者謂

之陸稻記曰煎醯加於陸稻上是也施俗謂之旱稻

仙穀土人亦名仙姑米云七女柵仙女煉丹於此措米

施南府志 卷之十一 食貨 六

於地生此穀如粟穀紅米白以作飯芬芳特異

蔬品俱有 包白菜出利川土人呼繡毬白菜蓋菘類

菌種甚多雪菌尤佳 洋芋生高山一年實大常芋

數倍食之無味且不宜人山民聊以備荒 洋合蓋

藁荷土人呼洋合 蒟蒻可磨作漿凝如豆腐土人

呼為磨芋豆腐作時須不語語即不成 薯有數種

其味甚甘山地多種之清明下種雨後剪藤插之霜

降後收掘窖藏之可作來年數月之糧又有白薯俗

呼腳板薯蓋山藥之類

蕨施山最多掘根搗爛去滓澄粉其味甚甘可以備荒
花品俱有開俱遲海棠最勝

菓品俱有惟橘柚最多

密羅柑輪囷如拳色香並如佛手柑可點茶

竹品俱有惟慈竹獨多

木品俱有以楠木爲上

瘿木有二種曰花瘿曰豆瓣楠以作桌及屏風文櫃拜
匣甚可玩

陰沉木施南府屬山中土產此物須掘地得之名陰沉

施南府志

卷之十一

食貨

七

木質香而輕體柔膩以指甲掐之卽有掐文少頃復
合如伽楠然土人云其木爲棺入土則日重重則沉
葬千年後其棺陷入地數十丈亦堅重如鐵故寶貴
之

靈楓述異記云南方楓木老者爲人形亦呼爲靈楓蓋
木瘿也譚景升化書云楓老化爲羽人無情而之有
情也又孫炎云攝生江上有寄生枝高三四尺生毛
一名楓子天旱以泥泥之卽雨

舊志稿

降香

禽類 錦雞 白鷓 翟雞如雉而大

獸類 羚羊 花麀 馬鹿 紅麀 明一統志 狐 狸

豺狼 獾 鹿 麀 麋 鹿 蝟 野豬 野牛

山羊 獺 松鼠 竹鼠 埤雅一名竹鼯 食物本草

竹鼠食竹根居士穴大如兔土人多食之味如鴨

鼯鼠 獼猴

鱗族 白甲一名鯨魚 洋魚細鱗味美 油魚 銅

錢魚形似銅錢一名石把好在石上 哇哇魚有兩

足能緣木 雄黃魚產城西出水洞腹下赤文有雄

施南府志 卷之十一 食貨

黃氣云佩之可愈疫

藥品 仙茅 黃連 黃蘗 淫羊藿 厚樸 麥冬

苦參 貝母 天冬 牛膝 石菖蒲 夏枯草

白芨 細辛 天麻 半夏 何首烏 稀莨草

南星 括蕓 杜仲 薏苡仁 桑寄生 骨碎補

獨腳蓮 桑螵蛸 五加皮 山豆根 大藥出一

桶水七節者治百病 以上載 藥品甚多惟黃連黨參

山民以種此為業其山中採得者絕少五倍子所產

亦饒

按明史土司列傳巡撫劉懋條議言施州延袤頗廣物產最饒衛官朘削致民逃夷地云云蓋土廣人稀荒山未闢暢茂蕃殖自爾豐饒也自改土以來流人麋至窮巖邃谷盡行耕墾砂石之區土薄水淺數十年後山水衝塌半類石田尙何物產之有詢之故老言從前此地亦產棉花今則絕無其種裳衣之資亦市之外地山險水惡運負維艱地力之窮則亦無如之何也近日廣植苧麻尙可以此易彼而不知者顧病其多占穀土欲從禁制亦可謂不達物情矣至於

施南府志

卷之十一

食貨

九

伍伯市魁或抽私稅此尤病民之大者慈仁之長所宜密察嚴禁庶可少甦窮黎乎閱舊志物產附識於末

開採

附

咸豐縣建始縣硝劬乾隆五十年總督特成額巡撫吳坦題湖北各營及銀匠鋪戶需用硝劬向購自河南湖南二省前因長陽來鳳咸豐三縣土硝尙堪採用奏明開採以供營匠之需今據歸州興山建始三州縣督商勘明各有硝尙可供開採爰查建始縣密等尙每年

可獲淨硝三萬餘觔

開採恩施縣硫磺乾隆三十八年因本縣產硫磺招商開採至四十四年省局積存餘磺奏明停採五十四年總督畢沅巡撫惠齡題准將恩施縣前經封閉之磺磺仍招商開採

府屬六縣歲辦常額硝各二千觔內恩施建始二縣產磺恩施兼辦磺四千觔建始兼辦磺二千觔硝以正月開篆日起限磺以六月二十日起限定四個月內解繳省局掣批賞府核驗逾限短少查取承辦知縣職名照施南府志

卷之十一 食貨

十

例議處

施南府志卷之十一終